

訂正東醫寶鑑雜病篇卷之九

御醫忠勤貞亮扈 聖功臣崇祿大夫陽平君臣許浚奉教撰

諸傷

金刃傷

金瘡腸斷者視病淺深各有生死腸一頭見者不可連也若腹痛短氣不得飲食者大腸一日半死小腸一日死腸兩頭見者可連續之先以針線如法連續之斷腸便取難忌血塗其際勿令氣泄即

推納之但出不斷者作大麥粥取汁洗腸以漬納之且作粥清稍飲之二十餘日乃吃糜粥百日後乃可進飯(病源)○金瘡失血其人當苦渴然須忍之常令乾食可與肥脂之物以止其渴又不得多

飲粥則血溢出血人也又忌嗔怒及大言笑動作勞力及食鹹酸熱酒熱羹車皆使瘡痛衝發甚者即死(聖惠)○凡金瘡及折傷不可飲冷水血見寒則凝入心則死(丹心)

不治證

十不治證凡被傷入於肺者縱未即死二日難過○左脇下傷透內者○腸傷斷一半可醫全斷不可治○小腹下傷內者○證後繁多者○脈不實重者○老人左股壓碎者○傷破陰子者○

血出盡者○肩內耳後傷透於內者皆不必用藥(得效)○凡金瘡傷天窗(穴名)眉角腦後臂裏跳脈脾內陰股兩乳上下心鳩尾小腸及五臟六府俞皆死處又破腦出髓而不能語戴眼直視喉中沸

聲口急唾出兩手妄舉皆不治(聖惠)

金瘡脈候

金瘡出血太多其脈虛細者生數實者死○金瘡出血脈沈小者生浮大者死研刺出血不至脈來大者七日死消細者生(脈經)○金瘡出血虛細則宜實大則傾(得效)○傷雖淺命脈虛促

可慮傷至重命脈和緩永無慮也○血出甚者脈不要洪大只要平正重實(得效)

腸肚傷治法

肚破腸出在外若腸全斷難醫不斷者可治○腸及肚皮破者麻線為線或桑白皮去茸為線以花蕊石散付線上從裏縫之腸子則以清油熬活放入肚內乃縫肚皮不可縫外重皮

留皮間用藥糝待生肉(得效)○傷破肚皮腸與脂膏俱出先用湯藥如活血散佛手散(即普歸湯)與服用手擘去膏不妨此是閑肉放心去之然後推腸入內用線縫之仍服通利藥勿令一便秘(效)

得效

金瘡先宜調血

大凡金瘡及折傷墮墮內損者必有瘀血傷損先宜逐去瘀血若亡血過多則調養氣血為主(正傳)○花蕊石散奪命散雞鳴散導滯散破血消痛湯復元活血湯皆可選用(方)

諸方

止血生肌合瘡藥

傷至重者海味中鹹白鱗成片鋪在傷處以帛托定血立止(得效)○止血收口方白膠香老松皮白芷血竭為末付之單血竭未付之尤妙○黃丹滑石未付之夏月以薄荷葉貼之一日一次以藥水湯洗(得效)○金傷散糝付神效(集要)○金瘡血不止黃丹白礬為末糝之又下子蠶蛾燒灰付之(聖惠)○下蠶室瘡不合取所割勢火煨為末酒調服昔有一人自割其勢瘡久不合用此方不數日而愈(入門)

石著其上自出(聖惠)

箭鏃及金刃中骨脈不出

白斂半夏等分為末每取一錢淡薑湯調服日三至二十日自出(入門)○箭鏃及針入肉不出象牙屑和水塗其上又蟻蛭取汁頻塗又鼠腦塗之又好磁

石著其上自出(聖惠)

救急方

金瘡及諸傷重痛悶欲死取牛一隻剖腹納其人于牛腹浸熱血中可甦如傷腹用血竭末醋湯調飲出血而愈或戰陣砲矢所傷血流滿體氣貫胸膈悶絕者亦甦(入門)○傷重暈絕不省人

熱尿多灌即甦重尿尤好(丹心)

活血散

治刀鎗傷腹裂腸出者黃芪當歸川芎白芷續斷赤芍藥虎茸黃芩細辛乾薑附子炮各等分右為末每三錢溫酒調服日三立驗(入門)

花蕊石散

治一切金刀所傷及打撲損傷牛馬咬踢或至死者急於傷處糝藥其血化為黃水再服藥便活更不疼痛如藏府有瘀血內損曬乾欲死服此藥則化為黃水或吐出或下泄出花蕊石四兩硫黃一兩為末入瓦罐內鹽泥固濟曬乾安四方塢上以炭火從巳午時煨至經煙候冷取出研細每取一大匙重尿入酒煎熱調服(入門)

兩硫黃一兩為末入瓦罐內鹽泥固濟曬乾安四方塢上以炭火從巳午時煨至經煙候冷取出研細每取一大匙重尿入酒煎熱調服(入門)

奪命散

治金刀所傷及從高墮落木石壓損瘀血瘀積心腹痛二便不通水蛭以石灰拌炒焦五錢大黃黑牽牛頭末各二兩右為末每取二錢熱酒調下過數時無效再用一服以下惡血為度(得效)

雞鳴散

治金刀傷打撲傷血瘀凝積煩悶欲絕大黃酒蒸五錢當歸尾三錢桃仁二七粒研右剉作一貼酒煎雞鳴時服次日下瘀血即愈治折傷亦妙(三因)

導滯散

治傷損內有瘀血大便不通壅鬱欲死大黃一兩當歸二錢半麝香少許右為末每三錢熱酒調下(聖惠)

破血消痛湯

治傷損瘀血惡血流於腸下痛楚不能轉側水蛭炒煙盡別研三錢柴胡連翹當歸梢各二錢蘇木一錢半羌活防風桂皮各一錢麝香少許右除水蛭麝香外餘藥剉作一貼酒水相半煎去滓入蛭麝調服

半煎去滓入蛭麝調服空心兩貼立愈(東垣)

復元活血湯

治同上大黃二錢半當歸一錢七分柴胡一錢半穿山甲炒研瓜萸根甘艸各一錢桃仁十個為泥紅花五分右剉作一貼酒水相半煎服(寶鑑)

金傷散

治一切金瘡重午日早朝使四人各出四方採草木莖葉各半把至日午時入石灰一斤同搗極爛大桑木三兩抹作孔納藥實葉以桑皮蔽之油調石灰密塗之勿令泄氣更以桑皮填固至九月九日午時取出陰乾百日搗

羅為末如遇傷慘之神效(御藥)

單方凡二十四種

新汲水

人被金瘡及損傷腸出以新汲泉水噴之令身噤腸自入也(本草)

石灰

療金瘡甚良人為金刀所傷以石灰末裹之定痛止血神效○又石灰和雞子白火煨為末付瘡立差(本草)

葛根

療金瘡止痛為末付之又濃煎取汁服之(本草)

桑白皮

可以縫金瘡取主皮作線縫腹破腸出者唐安金藏割腹用此法便愈○神效○又桑葉為末乾粉之○金瘡止痛桑柴灰付之佳(本草)

蜈蚣

針入肉不出蜈蚣腦同硫黃研付寬攤針自出(本草)

蜣螂

箭鏃入骨不可拔微熬巴豆與蜣螂同研勻塗傷處待極癢便撼動拔之立出後以生肌膏貼之○出箭鏃方蜣螂全者麝香火許同為末撥動箭頭藥瘡肉自出(本草)

旋蠶根

即旋花根也合金瘡續斷筋取根搗汁滴瘡中津封瘡上炊(本草)

蝙蝠

王金瘡出血內漏取二枚燒為末每一錢和水服令一日服盡當下如水乃血消也(本草)

蔥

治金瘡因驚出血不止取蔥炙熱按取汁付之血即止○金瘡中風水腫痛驚莖葉煨研器付立愈(本草)

小麥

主腸出不入小麥五升水九升煮取四升去滓令極冷使人含噤瘡上又噤其背腸漸自入勿令眾人見(本草)

石榴花

治金瘡血流不止石榴花和石灰搗為末糝之血便斷(本草)

鼠腦

治箭鏃及針刀在咽喉胸膈諸隱處不出取出生鼠腦及肝搗付之即出(本草)

血竭

療金瘡止血止痛生肌最妙刮屑付之但性急不可多用(入門)

壁錢

主金瘡血不止取汁點瘡上良(本草)

紫檀香

治金瘡急刮紫檀末付之止血止痛至炊(本草)

琥珀

止血生肌合金瘡作末付之○中營前闊絕琥珀末一錢童尿調服妙(本草)

蛇含草

主金瘡搗付之佳。○又云蛇含膏連已斷之指。(本草)

熟艾

搗金瘡止血止痛易合或煎湯或熏烟亦好。(俗方)

藍葉汁

金瘡血悶取藍汁飲之。(本草)

車脂

針一肉不出取車脂攤紙上卷之一日一夜三次自出。(本草)

青蒿

生按付金瘡止血止痛生肌最妙。(本草)

小劍

主金瘡血不止按葉封之。(本草)

顛撲墮落壓倒傷

凡墮壓死者急安好處以袖掩其口鼻上一食頃候眼開光與熱小便飲之若初覺氣絕人如僧打坐令一人將其頭髮控放低以半夏末或皂角末吹入鼻內如活即以薑汁香油打勻灌之

(綱目)

○若取藥不及急於開口以熱小便多灌之(入門)○人為刀斧所傷或墮落險地或撲身體損傷筋骨皮肉皆出血不止或瘀血停積若去之不早則有入腹攻心之患(醫鑑)○跌撲傷損須用蘇木活血黃連降火白朮和中以童便煎服妙傷在上宜飲韭汁(丹心)○凡顛打壓傷或從高墮落

皆驚動四肢五臟必有惡血在內專怕惡心先用通二便藥和童便服之立效大小腸俱通利則自無煩悶攻心之患矣(得效)○凡傷損專主血論肝主血不問何經所傷惡血必歸於肝流於腸胃於腹而作脹痛實者下之宜通導散桃仁承氣湯(方見寒門)奪命散(方見上)○虛者復元活血湯(方見上)當歸散調之(入門)○凡出血已多而又嘔血不止者難治宜用蘇木煎湯調蚌霜散服之

(入門)○諸傷疼痛宜乳香定痛散乳香散雙烏散鼻痛丸陣王丹補損當歸散(諸方)○蘇合香丸治打撲墮落挾驚悸氣血錯亂昏迷不省急取三五丸溫酒童便調灌即甦(方見氣門)○得效○頭

上有傷或打破或金刀傷用藥糊角縛不使傷風慎之(得效)

通導散 治傷損極重大小便不通心腹脹悶宜用此下瘀血大黃芒硝各二錢當歸蘇木紅花桃仁各一錢厚朴陳皮木通枳殼甘草各五分右剉作一貼水煎空心服(醫鑑)○一名大成湯(醫林)

當歸散 治打撲損傷致氣凝血結胸膈脇痛當歸尾一錢半芍藥烏藥香附子蘇木各一錢紅花八分桃仁七分桂皮六分甘草五分右剉作一貼酒水相半煎服(入門)

蚌霜散 治傷損大吐血蚌粉百草霜各等分石為末每二錢糯米飲調服(入門)

乳香定痛散 治諸傷損疼痛白芷當歸生半夏牡丹皮赤芍藥川芎乳香沒藥白朮甘草各等分右為末每二錢溫酒童便各半調勻服之(入門)○一名活血止痛散(醫鑑)

乳香散 治打撲傷損痛不可忍白朮炒當歸炒白芷桂皮乳香沒藥甘草各等分右為末每二錢溫酒調下(得效)

雙烏散 治諸傷損久得時常疼痛者及新被傷作痛亦宜川烏草烏各炮各三錢當歸白芍藥蘇木大黃生乾地黃紅麴炒各五錢麝香火許右為末入瓦瓶以酒煮放冷服如覺麻痺無害但草烏生

此為試讀，需要完整PDF请访问：www.ertongbook.com

用惡太猛所以
畧炮(入門)

尋通丸

治諸傷止痛清心行氣活血如神草烏生用乳香火熨沒藥火熨五靈脂各三錢生
麝香少許右為末酒糊丸如指頭大朱砂為衣每一丸薄荷湯薑汁磨化服(得效)

陣王丹

治諸折傷止血定痛大黃一兩石灰六兩右同炒
紫色為度去火毒搗篩為末敷傷處效(入門)

補損當歸散

治墮撲折傷疼痛折子號服此藥不復大痛三日筋骨相連川芎一兩半桂心川椒當
歸甘草各七錢半附子炮澤蘭各二錢半右為末每二錢溫酒調服效如神(局方)

打撲傷消腫滅癰

凡關毆被打成破傷風頭面腫大發熱以九味羌活湯(方見寒門)熱服取汗外用杏
仁搗爛入白粥火許新汲水調付瘡上腫即消(回春)○治傷損腫痛瘀血流注紫黑

或傷服上青黑不散大黃為末生薑汁調付患處即消名將軍膏(醫鑑)○散被毆癰瘰亦治跌撲麻
油清酒各一碗同煎數沸服之服了臥火燒熱地上一夜痛止腫消無痕有破傷者仇家陰令術士以

此治之次日驗審了無一毫傷痕(回春)○打撲傷肌膚青腫茄子裡通黃
極大者切作片瓦上焙乾為末臨臥酒調二錢服一夜消盡無痕(聖惠)

脈候及不治證

凡打撲損傷內有瘀血其脈堅強者生小弱者死(脈經)○打撲傷損去血過多脈當虛細
若得急疾大數者死(醫鑑)○凡折傷外損筋骨者可治內損藏府裏膜及破陰子耳後者

並不治(與上下不治證參看)○入門○如
傷藏府致命處一觀其脈虛促危矣(得效)

單方 凡十七種

蒲黃

治撲損瘀血在內煩悶蒲黃
末三錢熱酒調下(得效)

生龜

治撲損跌折取血和酒飲之肉
生研厚塗傷處立效(本草)

鼠屎

治落傷筋骨痛不可忍取屎燒為末
猪脂調急裹之不過半日愈(本草)

荷葉

治打撲落傷惡血攻心悶亂乾葉燒為末熟童尿調下二
錢日三○未展荷葉為末童便調服利下惡物(綱目)

麻根

主打撲落傷跌折有瘀血痛不可忍取根及葉搗
取汁飲或煮服之非時則取乾麻煮汁飲(本草)

稻稈灰

治墮落撲損痛楚稻稈燒灰和糟酒淋
灰取汁乘溫淋洗痛處立差(本草)

芥子

撲損瘀血作痛芥子和生薑研
微煖塗貼患處即效(本草)

白楊樹皮

治撲損瘀血痛不可忍取
樹皮酒漬服之(本草)

蟾蜍

主打撲跌折血在脇下墜滿痛取
汁和酒服又研付傷處(本草)

胡桃

壓撲傷損胡桃肉搗爛和
溫酒頓服便差(本草)

蔥白 治打撲傷損痛不可忍取蔥白入爐火煨乘熱攪開其中有涕便將罨損處冷則易熱者須臾痛定(本草)○又蔥白砂糖等分爛研付之痛立止且無癰痕(丹心)

人尿 主撲損落傷瘀血攻心暈絕熱水等服一二升即甦童子尿尤佳(本草)

烏雞 被壓窄墮舟船車轆馬蹯牛觸胸腹破陷四肢摧折氣悶欲死烏雞一隻合毛杆一千下和苦酒一升得所以新布搗病處取藥塗布上晷定乾則易覺寒振欲吐不可去藥須臾復上一雞神效(本草)

烏鴉羽 治墮落損傷瘀血脹心面青氣短取右翅羽七枚燒灰和酒服當吐血便差(本草)

犬膽 治撲損刀箭傷內有瘀血取胆熱酒調服瘀血盡下(本草)

酒糟 主打撲墮落損傷瘀血腫痛酒糟和醋滓蒸溫熨之妙(俗方)

水蛭 主墮落傷損傷折傷內有瘀血水蛭炒焦為末入麝香撲落傷折傷內有瘀血水蛭炒焦為末入

骨折筋斷傷 凡脚手各有六出白四折骨每手有三處出白脚亦三處出白手掌根出白其骨交互相鎖或出白則是到鎖骨之外須是搦骨於鎖骨下歸窠若出外則須搦入內若出內則須搦入外

方入窠白只用手拽斷難入窠十有八九成痼疾也(得效)○骨節損折肘臂腰膝出白蹉跌須用法整頓歸元先用麻藥與服使刀知痛然後可用手法(得效)○搦骨歸窠用竹一片(生柳木片尤佳)

板夾定一邊一邊不用夾須存曲直處時時拽屈拽直不然則愈後曲直一得(得效)○凡骨碎者須用麻藥(即草烏散)與服或用刀割開甚者用剪剪去骨鋒使不衝破肉或有粉碎者與細骨去免膿

血之禍且以藥水一日一洗莫令臭穢(得效)○凡骨碎者以接骨藥火上化開糊骨上然後夾定外用夾骨法活血散接骨丹二生膏糯米膏內服麥斗散沒藥降聖丹接骨散自然銅散接骨紫金丹○

淋洗用蔓荊散(諸方)

艸烏散 即麻藥也凡骨節出白用此麻之然後用手整頓皂角木蠶子紫金皮白芷半夏烏藥當歸川芎各一兩二錢半草烏苗香坐墊草各二錢半木香一錢並無煨製右為末諸緣骨節出白窠

者每服二錢好紅酒調下麻倒不識痛處然後或用刀割開或剪去骨鋒以手整頓骨節歸原用夾夾定然後醫治如剪鐵入骨不出亦用此藥麻後或鉗出或鑿開取出然後取鹽湯或鹽水與服立醒(得效)

交骨法 小蝦蟆四五個皮硝三分生薑一兩酒糟一椀腫者加紅內消即紅何首烏也同搗敷折傷之處(入門)

活血散 治折傷菜豆粉炒紫色新汲水調成膏厚付折傷處以桑皮夾定其效如神一方熱酒醋調付(得效)

接骨丹 當歸七錢半川芎沒藥骨碎補各五錢川烏煨四錢古文錢三個火煨醋淬七次乳香二錢半木香一錢黃松香脂也六兩香油一兩半右為末和油成痛攤油紙貼患處如骨碎筋斷用此復續

如初
回春

二生膏

治折傷手足生地黃一斤生薑四兩右搗爛入酒糟一斤炒熱布裏傷處熨之傷筋損骨痛不可忍神效(醫鑑)○傷損臂曰脫出腫痛生地黃搗爛攤油紙上火慘木香末一層又攤地黃貼患處明日痛即止(得效)○治折傷斷筋碎骨生地黃搗爛攤油紙上火慘木香末一層又攤地黃貼日二次最妙又搗爛熟封傷處一月筋骨連續蓋地黃屬骨(種杏)

糯米膏

治撲傷筋斷骨折糯米一升皂角切碎半升銅錢百個同炊至焦黑去錢右為末酒調膏貼患處神效(綱目)

麥斗散

治跌傷骨節土蠶一個瓦上焙已豆一個去殼半夏一個生乳香沒藥各半自熬銅火煨醋淬七次用些火右為末溫清酒調服一釐如重車行十里之久其骨接之有聲初跌之時須整理如舊以綿衣蓋覆方服藥勿轉動端午日製尤妙(回春)

沒藥降聖丹

治打撲閃胸筋斷骨折痛不可忍生乾地黃川芎各一錢半自熬銅火煨醋淬十二次別研每服一丸水酒各半蓋入蘇木一錢同煎去蘇木調藥空心熱服(丹心)

接骨散

治骨折乳香沒藥各二錢半自熬銅火煨醋淬別研五錢滑石一兩龍骨赤石脂各一錢半麝香火許脂而服極效(丹心)○一方將藥除麝香浸酒煮乾為末黃蠟五錢熔化乃入麝和勻作丸彈子大每一丸酒煎以東南柳枝攪散空心熱服名曰接骨丹(入門)

自然銅散

治打撲筋骨折傷乳香沒藥蘇木真降香(無則紫梗代之)川烏松明節自然銅火煨醋淬七次各五錢地龍油炒龍骨生水蛭油炒焦各二錢半血竭一錢半土狗五個油浸焙右為末每五錢好酒調下自頂心尋病至下兩手兩足周遍百身

接骨紫金丹

治跌打骨折瘀血攻心發熱昏暈土龍一方用土狗自然銅火煨醋淬七次別研骨碎補大黃血竭當歸尾乳香沒藥礪砂各一錢右為末每服八釐熱酒調服其骨自接(入門)

蔓荊散

治打落筋骨折傷瘀血結痛蒺藜葉(無則荊芥代之)蔓荊子白芷細辛防風川芎桂皮丁香皮羌活各一兩右為粗末每一兩入鹽一匙連鬚蔥白五莖漿水五升煎七沸淋洗痛處冷則易(心丹)

單方
凡十
四種

赤銅屑

治打撲墮落骨折傷取赤銅大煨醋淬七次或九次細研溫酒調一字或半錢服直入骨損處

自然銅

療傷損骨折火煨醋淬七次研細水飛同當歸沒藥各半錢溫酒調服仍以手摩痛處(本草)○此藥新火煨者有毒若不折骨不碎骨則不可用自然銅(丹心)

合歡皮

主骨折專能接骨取皮炒黑色四兩芥子炒一兩右末酒調二錢服以滓濯傷處(本草)

續斷

治撲損瘀血能續筋骨煮汁內服外搗付之(本草)

白蠟

屬金稟收斂堅凝之氣外科之要藥生肌止血定痛接骨續筋補虛與合歡皮同用極神效(丹心)

蟹

腳中髓及腦并殼中黃並能續斷折筋骨取碎之微然納瘡中筋節連○筋骨折傷生搏炒良(本草)

人中白

治因挫跌撲傷骨極重人中白煨為末溫酒調五分服(入門)

生栗

主筋骨折碎血瘀腫痛細嚼生栗塗付之栗楔尤好三個共一窠居中者(本草)

烏雄雞

主跌折骨傷骨痛取血和酒服仍破腹屠傷處妙(本草)○又取骨末一兩自然銅末四錢和勻溫酒調下二錢(丹心)(綱目)

療傷斷耳鼻古方

治擦落耳鼻用油髮灰末乘急以所落耳鼻蘸髮灰綴定以綿帛縛定有人為噓所咬下鼻一僧用此綴之神效(綱目)○自行顛仆穿斷古心血出不止取米醋以雞翎刷所斷處其血即止仍用蒲黃杏仁鵬砂少許為末蜜調噴化而愈(綱目)○接指方蘇木為末敷斷指間接定外用蠶蠟包縛完固數日如故(入門)○一人落馬被所佩鎖匙傷破陰囊二丸脫落懸挂未斷痛

處其血即止仍用蒲黃杏仁鵬砂少許為末蜜調噴化而愈(綱目)○接指方蘇木為末敷斷指間接

若無任諸藥不效于教人漫漫托上多取壁

錢敷貼傷處日漸就安其囊如故(醫鑒)

杖傷

凡杖畢即用童便好酒各一鍾合而溫服免血攻心甚妙實者羅鳴散(方見上)下之虛者當歸鬚散(方見上)○如柴胡羌活煎服仍用蔥白搗爛炒熱搭杖處冷則易止痛散瘀如神(種杏)○又片豆腐

鹽水煮熟鋪杖處其氣如蒸其腐即紫復換貼以色淡為度漬爛者亦宜(種杏)○痛甚者內服乳香

定痛散(方見上)○隨以熱酒盡量而飲外貼黃蠟膏(方見諸瘡)○有血瘀腫腫先刺出惡血然後乃貼

膏藥(入門)○杖傷只是血熱作痛用涼藥去瘀血為先須服雞鳴散之類外貼以五黃散或大黃黃

柏為末生地黃汁調付之○又野芒根嫩者洗淨同鹽搗付神妙(丹心)○又鳳仙花科連根葉搗爛

貼患處乾則易一夜血散即愈(醫鑒)○又菜豆粉微炒雞子清調付之(醫鑒)○杖瘡宜服乳香散化瘀散補氣生血湯烏龍解毒散(諸方)○大概通滯血皆以酒化服蓋血滯則氣壅氣壅於則經

絡滿急欲腫且痛凡打撲着肌肉須腫痛者以經絡傷氣血不行故如是(本草)○凡杖瘡忽乾黑陷毒氣攻心恍惚煩悶嘔吐者死(入門)

五黃散

治杖瘡止痛黃丹黃連黃芩黃柏大黃乳香各等分右為末新水調成膏以緋絹攤貼傷處日三易(精要)

乳香散

治杖瘡腫痛自然銅火煨醋淬七次當歸各五錢茴香四錢乳香沒藥各三錢右末每三錢溫酒調下(精要)

化痰散

治杖打重血上攻心煩悶蘇木當歸尾各三錢大黃紅花各二錢右為末每三錢溫酒重便調和服(醫鑑)

補氣生血湯

治杖瘡潰爛久不愈人參白朮白茯苓白芍藥當歸陳皮香附子貝母桔梗熟地黃甘草各一錢右剉作一貼酒水相半煎服(醫鑑)

烏龍解毒散

治人受杖責後疔甲爛肉疼痛難忍不能起動服此痛止便能動履其效如神木耳四兩入砂鍋內炒焦存性為末右每服五錢熱酒一校調服服後少頃其藥力行至杖瘡上從肉裏

透如針刺癢甚不時流血水即以藥水洗淨貼膏藥(回春)去疔甲取雞子清入麝香火許以銀簪打成稀水用簪尖輕輕點上不多時其疔甲化爛取去一日一換貼膏藥化盡死肉不數日復平如故矣

(回春)

打著不痛方

未打之前先取白蠟一兩細切入碗內滾酒泡服則雖打著不痛名寄杖散(醫鑑)

單方

凡五種

蘿菔根

治杖瘡皮不破而內損者蘿菔根搗爛燻傷處良(種杏)

沒藥

主杖瘡腫痛不可忍細研取一錢熱酒調服效(本草)

飴糖

治打損瘀血飴糖熬和酒服能下惡血(本草)

人咬傷

人咬傷成瘡龜板或鹽甲燒灰油調付(綱目)

諸獸傷

虎傷

人被虎咬先飲清油一碗又白礬為末紮傷處又飲糖水調服一二碗并塗傷處(入門)○虎傷人但飲酒常令大醉當吐毛瘡取青布緊捲燒一頭納竹筒中向瘡口令烟熏之佳(本草)○虎傷人但飲酒常令大醉當吐毛

出良(本草)○虎犬吠人梓產取汁飲一升日三滓付傷處(本草)○虎狼傷人生雞肉食之
又生葛汁飲之又洗瘡又婦人月經赤衣燒為灰和酒服(本草)○乾薑末納瘡妙(本草)
熊傷 熊傷人燒青布取烟熏瘡口令毒出(本草)○又煮葛根取濃汁以洗瘡十度并搗葛根為末調葛
根汁服日五(本草)○熊傷人萌蘗對水清取汁飲滓付瘡上○熊虎傷煮生鐵令有味洗之○熊
虎爪甲傷嚼生

栗付之(本草)

馬驢咬踢傷

馬咬踢傷益母草搗爛和醋炒付(本草)○又馬鞭梢燒灰塗之○獨顆栗子燒灰貼亦
取人尿或馬尿燒灰為末付之(入門)○嚼生栗付之(綱目)○又取雞冠熱血塗瘡中
或浸之(本草)○鹽或馬咬人或骨刺傷取其尿洗瘡以糞塗之又飲糞汁佳(本草)

牛傷

牛傷 牛觸踢出不損者急送人以桑白皮灰或生白府為線縫合肚皮縫上搽血竭末或百草霜末血止
立活勿封瘡恐內作膿(入門)○腸破腸出臭穢急以香油撲腸用手送入煎人參地骨皮湯淋之
皮自合吃羊肉羹
十日愈(入門)

犬傷

犬傷 凡春夏初交犬多發狂但見其尾直下不捲口中流涎舌黑者即是狂犬若破其傷乃九死一生之
患急用針刺去血以人小便洗淨用胡桃殼半邊以人糞填滿掩其瘡上著艾灸之殼焦糞乾則易
之灸之百壯次日又灸百壯灸至三五百壯為佳(千金)○風狗咬傷即先口噙漿水洗淨或以熱人
尿淋咬處嚼生薑擦之又用蔥白嚼爛塗之又杏仁嚼爛付之以帛繫定或同馬蘭根研細蔥湯洗後
塗之尤佳(綱目)○於患人項中有一紅髮即當拔去後服藥快效(十三方)○一方斑貓二十一
個去頭翅足以糯米一勾先將貓七個同炒不令米赤去貓再入七個同炒貓色變去之又入七個同
炒米出青烟去貓取米研為粉冷水入清油少許空心調服(二勾分三服)火頃又進一服以小便利
下惡物為度否則再用一服利後腹痛急以冷水調青靛服或服黃連湯以解其毒否則有傷不可便

食熱物

(綱目)

犬咬毒防再發

犬咬毒防再發 風狗咬急用斑貓七個去頭翅足為末溫酒調服其毒必從小便中出可將尿缸盛清水
令患人尿其中停半日見濁氣凝結如狗形則毒已出如不見狗形須服七次方可無狗
形乃不再發極驗若小便澁益元散(方見暑門)水調服最妙(十三方)○狂犬咬先口噙漿水洗淨
用玉真散(方見風門)乾貼之更不再發神效(丹心)○又仍殺所咬犬取腦付傷處後不復發(本
草)○刺犬傷或經久復發無藥可療雄黃明者五錢麝香五分右為末酒
調二錢服服後必使得睡切勿驚動任其自黑黑頭末各三錢斑貓一錢麝香三分雄黃二錢半右為
末每二錢滾水調服惡物從小便而出(入門)○狂犬傷蚯蚓糞封之出犬毛神效(本

狂犬傷出毒法

宜用扶危散○防風五錢大黃黑頭末各三錢斑貓一錢麝香三分雄黃二錢半右為
末每二錢滾水調服惡物從小便而出(入門)○狂犬傷蚯蚓糞封之出犬毛神效(本

艸○又生麻油研豆豉為膏丸如彈子大常搗拭所咬處却搗開看
鼓丸內若有狗毛茸茸然此毒氣已出搗至無茸毛方乃痊可(十三方)

扶危散 治風狗咬斑貓七日內用七個七日外每日加一個十日十個百個去翅足糯米同炒滑
石一兩雄黃一錢麝香一字右為末溫酒調服不飲酒者米飲下毒從大小便出即愈(醫鑑)

狂犬毒入心 狂犬咬人久不差口吐血沫者為大毒入心叫喚似大聲天靈蓋燒灰為末水服一錢以活止(本草)○
草○狂犬咬人發狂如犬叫蝦蟆膽食之又虎

頭骨虎牙虎脰骨為末酒調二錢服之(本草)

禁忌法 被狂犬咬人終身禁食大肉及蠶蛹此毒再發則不可救三年之內亦忌食一
切毒物及房事常食杏仁以防其毒(十三方)○犬咬傷人忌飲酒(丹心)

單方 凡六

白礬 制犬咬白礬末納瘡
中止痛速愈(本草)

葛根 狂犬咬葛根搗取汁服之
洗之津付傷處(本草)

杏仁 殺狗毒作粥常食之又搗
爛貼傷處最佳(本草)

野菊 主風狗咬研細酒調
服盡醉止效(綱目)

草麻子 主犬咬傷取五十粒去
殼研為膏付之(綱目)

蟾蜍 即蝦蟇也主狂犬咬發狂欲死作贈食之
令知又取後兩腿搗爛酒調服亦佳(本草)

針灸法 狂犬咬人當先針刺去惡血仍灸瘡中十壯自後日灸一壯至百日乃止忌飲酒(資生)○被狂犬
咬者無出於灸只就咬牙跡上灸之一日三壯灸至一百二十日乃止常食韭菜永不再發(千金)

○常飲韭菜自然汁以滓封灸瘡永不再發(資生)○制犬傷毒不
出發寒熱速以艾灸外穴三壯又灸所咬之處七壯立愈(綱目)

貓傷 人為貓所傷取薄荷葉細嚼付之○
又虎骨虎毛燒為末塗之(雜方)

鼠咬傷 取貓毛燒灰入麝香火許津唾調付
(入門)○又麝香塗之差(本草)

諸蟲傷

蛇咬傷 中蛇咬毒昏困五靈脂五錢雄黃二錢半為末酒調二錢灌之以滓付患處即愈(綱目)○又五
靈脂雄黃貝母白芷等分為末熱酒調二錢服亦良(丹心)○治蛇毒無如雄黃若被諸蛇咬取

雄黃細末貼瘡口立效(綱目)○又蒿苗取汁和雄黃作餅子候乾為末貼瘡口毒水流腫痛即消
(綱目)○卒被蛇傷白礬火上熔汁滴咬處立差無白礬則速作艾炷灸五壯良(綱目)○毒蛇螫欲

死雄黃乾重等分為末付傷處(本草)○中蛇毒眼黑口喙欲死蒼耳嫩葉一握搗取汁溫酒和灌之
滓付瘡上(本草)○又白芷末麥門冬湯調服滓付傷處(綱目)○又細辛白芷各五錢雄黃二錢磨
香少許為末每二錢溫酒調服(綱目)○又貝母為末酒調令病人盡量飲之少頃酒自傷處為水流
出却以滓付患處即癒(綱目)○又白礬甘草等分為末每二錢冷水調下(綱目)○毒蛇蟄急以熟
人尿洗出血次取口中唾塗之又以牙近封傷處又取人屎厚付布裏即消(丹心)○急欲好醋二碗
令毒氣不隨血走或清油亦可(入門)○凡蛇毒取獨頭蒜或小蒜或苦苣或水蓼或豆葉或荏葉皆
搗飲汁以滓付傷處(本草)○又絲瓜根洗淨搗研生酒調吃一醉立已(海上)○又鸛菊及脚骨燒
灰飲服滓付之(本草)○又蚯蚓或蝦蟆搗付之(本草)○牛耳中垢猪耳中垢取付之猪齒燒灰付
之(本草)○辟蛇咬人忌食酸物梅子犯之必大痛(綱目)○蜈蚣制蛇毒為末付(本
草)○辟蛇法殺羊角燒之蛇即遠去又小袋盛雄黃帶之蛇遠避之養鵝辟蛇(本草)

蝎螫傷

蝎有雌雄雄螫痛在一處并泥付之雌者痛牽諸處取瓦屋溝下泥付之無雨時新水從屋上淋
下取泥用(本草)○蝎螫痛不可忍冷水漬之即不痛水微暖復痛即易新水(本草)○蝎螫痛
半夏生一字雄黃一字巴豆一個右同研付之(綱目)○又白礬半夏為末醋調貼之痛止毒出(得
效)○又鹽耳中垢或猫屎塗之蜘蛛取汁付之又地上磨生薑塗之又薄荷細嚼付之又白礬熔汁

滴傷處

(本草)

蜈蚣咬傷

蜈蚣咬人傷痛取蜘蛛安咬處當自吸毒如此而痛未止更易生者如蟹蚤死即投水中救活
(綱目)○蛇含草搗付之又蝎尾取汁滴入咬處又烏雞血及屎塗之○桑白皮汁或獨頭蒜
研塗之又人頭垢塗之又黃蠟火上溶汁滴患處(本草)

蜘蛛咬傷

蜘蛛咬人腹大如孕一身生絲羊乳飲之未幾日而平(本草)○蜘蛛咬遍身成瘡取好酒飲
令大醉須臾由於肉中小如米自出(本草)○又青蔥葉去尖納蜘蛛一條緊捻頭勿通氣候
化水點咬處即差(本草)○蜘蛛咬人瘡中出絲屢有死者惟飲羊乳可制其毒(本草)○又藍汁一
碗入雄黃麝香末各一錢和之細飲其汁並點咬處有人被斑蜘蛛咬腫痛垂死得此方即愈只服藍

汁亦好(本草)○蜘蛛傷土蜂燒末油和付之又取土蜂窠土醋調塗之穴土居赤黑色者是蜂也(本
草)○又多取人尿灌囊中坐浸其身防蛛毒入內(本草)○又烏雞尿浸酒服又取冠血塗之(本

草)○淫白或韭白搗付之又雄黃末付之又桑白皮
汁塗之又蔓青子研油付之又小蘗汁飲之(本草)

蚯蚓傷

有人中此毒腹大夜聞蚯蚓鳴於身有人教用鹽水浸之而愈○有人跣立溼地中其毒先飲鹽
湯一盃次以鹽湯浸其足即愈(本草)○蚯蚓咬其形如大風眉鬚皆落以石灰水浸身愈(本
草)○蚯蚓吹瘡雞屎付之○蜘蛛咬鴨屎付之
又老茶葉細末油調付蜘蛛即癒(綱目)

蠅螻傷

此蟲又名八角虫，隱於壁間，以尿射人，遍身生瘡，如湯火傷。烏雞銹灰、雞子清調塗之。（綱目）○又鹽湯淋漬瘡，如熱沸而大，繞腰匝，不可瘡，虫如小蜈蚣，色青黑，長足，取扁豆葉按付，即差。（本草）

○又鹽湯淋漬瘡，如熱沸而大，繞腰匝，不可瘡，虫如小蜈蚣，色青黑，長足，取扁豆葉按付，即差。（本草）

蜂叮傷

蜂螫人，嚼青蒿付之。○又薄荷按貼之。○蜂房為末，猪脂和付。○按茅並捺之，即愈。○

蠶咬傷

屋上蠶茅和醬汁研付。○麝香蜜調塗之。○芒汁飲之，又塗之。○近蠶種則蠶不生。（本草）

蝸牛傷

人為蝸牛虫所咬，毒過身者，蟬子汁浸之，即差。（本草）

螻蛄傷

螻蛄咬人，石灰醋和塗之。○柳葉燒灰，以泔水和浸洗，以泔付之。（本草）

壁鏡傷

壁鏡咬毒，人必死。桑灰淋濃汁調白，磨末塗之。○又醋磨雄黃塗之。（得效）

夏月諸瘡傷辟蠅蛆法

夏月諸般傷損，潰爛蛆虫，極盛臭不可近。蛇退燒存性，一兩蟬殼、青黛各五錢，細

爛

○一人夏月收麥，被驢跑倒，又咬傷二三處，至五七日膿潰臭惡，蛆虫極盛，藥不能救。一道人見之，傳以此方，修合服之，蛆皆化水而出，蠅亦不敢近。旬日良愈。（回春）

雜色蟲傷

夏月有雜色毛蟲，極毒，觸人生瘡，癢痛，骨肉皆爛。豉一椀，清油半盞，同搗厚付，傷處經一宿取

草

木著人，似刺刺便腫痛，肉爛若著手足，指節墮落。研此，搗和膠清塗之。（本草）○蛇骨刺人，毒腫痛

燒死鼠為末付之

（本草）○諸蟲毒傷，青黛、雄黃等分為末，新汲水調下二錢，又外塗之。（本草）

人被天蛇毒似癩而非癩

天蛇即草間黃花蜘蛛也，人被其螫，因為露水所濡，乃成此疾。逐煮秦皮汁

一斗飲之

（本草）○諸毒蟲傷，大紙攤蘸香油，燒火吹滅，以烟熏之，即愈。（綱目）○五毒蟲毛螫亦

痛不止，馬齒莧按付之

（本草）○蛇蝎蜘蛛咬生雞卵，輕敲一小孔，合咬處立差。（本草）○諸蟲咬腐

香塗之

又小蘗或藍葉搗汁飲，又付之。（本草）

發刺傷

竹木刺入肉，不出，羅麥濃煎，取汁飲，日三。（本草）○又鹿角燒為末，水和塗立出。（本草）○又乾羊

屎燒灰和猪脂塗之

不覺自出。（本草）○又人頭垢塗之，即出。又烏雞雞生搗，覆之亦出。（本草）○

又白梅肉嚼封之

刺即出。又栗楔生嚼，覆之亦出。又蜈蚣研付之，妙。又蟻蝥生研，覆之亦出。又蟻蝥碎

付之刺即出

又牛膝根搗爛塗之，亦出。又魚鱗取付，瘡上四邊肉爛，刺即出。（本草）○魚骨在肉中不

出螫吳茱萸封之骨當爛出又取海螵皮煮汁服又魚狗鳥燒為末和飲頓服又象牙末厚塗自軟出(本草)○鐵棘竹木刺入肉不出以腦厚塗之即出(本草)

灸法 凡蛇虺蜈蚣毒蟲咬傷於傷處灸五壯或七壯即愈(丹心)○被惡蛇螫即貼蛇皮於螫處艾火灸其上引出毒氣即止(本草)

解毒

蠱毒苗裔家

凡有蠱之鄉見人家門限屋梁無灰塵潔淨者其家必畜蠱當用心防之(易簡)○蠱者人取

蠱而能變化人有造作故事以酒肉祭之取出放毒於飲食中人中其毒心悶腹痛面目青黃或吐唾鮮血或下膿血病人所食之物皆化為虫侵蝕藏府蝕盡則死急者十數日便死緩者延引歲月死後病氣流注染着傍人故謂之蠱注(千金)○中蠱者面色青黃是蛇毒面色赤黃是蜥蜴蠱(病源)

辟蠱毒法

如入蠱鄉飲食即潛於初下筋時收藏一塊在手儘吃不妨少頃却將所藏一塊潛埋於人行路下即盡於其家作鬧蠱主必反來求救或食時讓主家先動筋或明問主家云莫有蠱

廢以筋藥桌而後食如是則蠱不能為害(易簡)

驗蠱毒法

令病人朝起取井華水唾水中唾如柱脚直下沉者是蠱也浮者非蠱也(三因)○嚼生黑豆不腥嚼白礬味甘皆中蠱無異(三因)○入蠱鄉遇飲食以屏角櫬之白沫辣起者是蠱也否

則非也(綱目)○又煮一雞卵去皮日夕含口中勿令破夜吐出者霜露中朝看色大青者是蠱也(得效)○中蠱者大便黑如漆或堅或薄或微赤者是蠱也(千金)

蠱毒中毒脈候

凡中蠱毒脈類如奴股(直指)○人為百藥所中傷脈浮洪而疾者生微細而數者死(脈經)

送蠱法

人中蠱毒當服藥如知蠱主姓名使呼取以去也(本草)○欲知蠱主姓名取敗鼓皮燒為末飲調服一錢病人須臾自呼蠱主姓名令取蠱本即愈(本草)○中蠱毒下血如猪肝藏府敗壞惟

待死裏荷葉密安病人臥席下勿令知病者自呼蠱主姓名令取去即愈(本草)○有將土先得疾下血言中蠱家人密以裏荷葉置臥席下忽大笑曰蠱我者張小也乃收小小走(本草)

蠱毒治法

紫金丹玉樞丹萬病解毒丸雄礬丸雄腐散辰砂丸保靈丹獨勝散國老散或吐或飲下之而愈

門入

大乙紫金丹

一名紫金錠一名萬病解毒丹治蠱毒桃生毒狐狸鼠莽惡菌河豚死牛馬肉毒山嵐瘴氣毒諸藥金石草木鳥獸百蟲一切諸毒蛇蝎去蠱土三兩山茨菰去皮焙二兩紅芽大戟洗

焙一兩半續隨子去皮油一兩麝香三錢右為末糯米糊和勻搗千餘杵每一料分作四十錠每服半錠重者一錠並用薄荷湯化下○修合時宜端午七夕重陽日或過天德月德日在淨室焚香齋戒勿

令婦人孝服人雞犬見之○白蠟落水鬼迷驚死心頭溫者並冷水磨灌即醒蛇犬諸惡虫傷以酒化服水磨塗傷處(入門)

玉樞丹 一名追毒丹治法服法同上○即上太乙紫金丹加入雄黃一兩朱砂五錢也製法同上○入蠱鄉曉覺意思不快即服一錠或吐或利而愈誠濟世衛生之寶也(入門)

萬病解毒丸 治蠱毒桃生毒藥毒草毒畜獸毒蚊蛇蛤一兩半山茨菰一兩大戟七錢半山豆根續隨子去皮油各五錢朱砂雄黃各二錢麝香一錢全蝎五枚右為末糯米糊丸分作三十五丸每服

一丸薑汁蜜水磨下并水研付所傷處(得效)

雄礬丸 治蠱毒及蟲蛇毒即蠟礬丸(方見癰疽)加雄黃等分作丸梧子大每七丸熱水吞下(入門)

雄麝散 治五種蠱毒雄黃麝香等分為末取生羊肺如指大以刀開裹藥吞之(丹心)

辰砂丸 治蠱毒從酒食中著者辰砂雄黃赤足蜈蚣續隨子各一兩麝香二錢半右為末糯米飯和丸芡實大每一丸以酒化下端午日合○一名丹砂丸(三因)

保靈丹 治蠱毒諸毒一切藥毒神效朱砂一兩山豆根五錢雄黃黃丹麝香黃藥子續隨子去皮別研巴豆去皮不去油斑貓去頭足翅各二錢半赤足蜈蚣二條一生一炙糯米半生半炒為末作糊右

於端午重陽臘日修合為末不令雞犬婦人見之用糯米稀糊和丸芡實大陰乾磁盒收貯每一丸茶清吞下不得嚼破須臾將毒物或吐或利藥丸凝血並下以水洗盡收之一丸可救三人若急則擇吉

日精潔修合(得效)

獨勝散 治蠱毒及藥毒虫蛇諸毒大甘草節麻油浸年歲愈多愈妙右取甘草嚼下或以水煎服神效(得效)

國老飲 治蠱毒白礬甘草等分為末清水調下取吐黑涎或瀉下即安(得效)

金蠶蠱毒 南方畜金蠶其蠶金色食以蜀錦即其遺糞置飲食中以毒人人死蠶喜能致他財使人暴富而遭之極難水火兵刃所不能害必多以金銀置蠶其中投諸路隅人或收之蠶隨以往謂之嫁金

蠶(瓊鏡)○人中金蠶蠱毒先嚼白礬味甘不瀉次嚼黑生豆不醒者是也石榴根皮濃煎汁飲之吐出活虫即愈(得效)

挑生毒 嶺南有挑生毒乃挑毒於飲食中以害於人其候初覺胸腹作痛次則漸加攪刺滿十日則物生能動在上則胸痛在下則腹痛在上者胆礬末五分投熱茶內化服探吐之在下者礬金末二錢米飲

調服瀉下惡物後以四君子湯去甘草煎服調理（得效）○有人忽助下腫起頃刻間大如碗此中挑
生毒也疾五更菜豆細嚼試之若香甜則是也升麻為細末取冷熟水調二大錢連服之洞泄出惡數
莖根鬚皆具腫則消縮仍
服平胃散調補（得效）

禁忌法

凡中蠱之人用藥已差自後飲食永不得吃冷若欲
食帶冷則鬼氣乘之毒虫復生竟不能救（入門）

灸法

灸蠱毒法於足小指上灸三壯即有物出酒飯得之隨酒戰
出肉菜得之隨肉菜出即愈神驗皆於灸瘡上出（千金）

吐蠱藥

凡中蠱煮甘草湯服之當吐出（本草）○又升麻一兩水煮取濃汁服入口即吐蠱出（本草）○
中蠱下血如雞肝四藏悉壞惟心未毀只待死馬腹根為末水和服一二錢即吐出極痛（本草）○

○又王瓜取根葉搗汁服當吐下（本草）○又治五種蠱毒馬兜鈴根為末一兩水煎頓服當吐蠱出
未快再服（本草）○又榲桲木北陰白皮濃煎取一升空心服即吐蠱出（本草）○又蟬皮燒為末水和
服一錢當吐蠱（本草）○又苦參一枚水煮取汁服立吐即愈（本草）○又人頭

垢末飲或酒化服即吐蠱（本草）○又獾胞湯摩如雞卵許服之即吐蠱（本草）○

下蠱藥

凡中蠱毒商陸末和水服即下蠱（本草）○又續隨子去皮研為末和水服一錢即下利蠱出
（本草）○牽牛子取頭末二錢和水服當瀉出毒蟲（本草）○玃猫一枚去頭足剋研為末和飲

服當下蠱（本草）○又玃猫去足剋煎大戟挑白皮
若未出更一服奇效只單服大戟亦好（本草）○又

丸蠱當隨利下
而出（本草）

通治單方

凡十
二種

蠶退紙

中蠱毒不拘多少以麻油紙攤燒存性為末新汲水調一
錢頻服雖面青脈絕昏迷口噤吐血者服之即甦（得效）

藍葉

凡中蠱毒取汁
飲之（本草）

薺尾

治同上搗取汁飲之末
服煎服並佳（本草）

鯪魚皮

治同上燒為末和水服
治中蠱吐血（本草）

蜈蚣

治同上炙為末和
飲服亦佳（本草）

茜根

治同上濃煎服之又與薺荷
同煎飲數升即愈（本草）

桔梗

治同上搗汁飲之危
重者亦甦（本草）

蚯蚓

十四枚中蠱吐血下血如爛肝醋一升漬
之蚓死但飲其汁已死者皆可活（本草）

胡荽根

治蠱毒搗汁半升和酒服蠱立下又取胡
荽子研水煮取汁冷服半升日二（本草）